

Angeles City Science High School
Filipino 10

Name: Paul Gerald D. Pare

Section: 10-Hawking

Gawain 3

A. Suriin mo ang mga simbolo sa binasa mong tula. Magsaad ng tatlong halimbawa at ng angkop na pagpapakahulugan sa mga simbolismong ito. Isulat ang mga sagot sa sagutang papel.

1. Magsimula tayo sa matandang paruparo, sumisimbolo ito sa mga matatandang tao sa ating mundo. Matagal na silang nabuhay at dahil dito, marami na rin ang kanilang mga karanasan. Sinusubukan nilang turuan ang mga kabataan mula sa kanilang mga karanasan at karunungan. Karaniwan din sa mga matatanda ay ang mga paniniwala nila sa pamahiin, kababalaghan, at ang pagkakaroon ng pananampalataya sa Diyos. Napansin natin sa tula na ito na sa simula pa lamang, ay ipinagbabawalan niya na lumapit ang batang paruparo sa ilaw.
2. Ikalawa naman ay ang batang paruparo, sumisimbolo rin ito sa mga kabataan sa kasalukuyan. Sila'y mapaglaro at gustong sumubok ng mga bagong bagay sa kanilang buhay. Sila rin ay pasaway at minsang hindi nakikinig sa kanilang mga magulang o nakatatanda. Nakita natin sa tula na ito na siya'y nakinig sa payo ng nakatatanda ngunit siya'y nagtaka at napaisip kung totoo ba ang sinasabi niya at kung ano ang masamang mangyayari sa kaniya kung susubukan niyang lumapit sa ilaw na ito.
3. Higit sa lahat ay ang ilaw na maganda. Ito'y sumisimbolo sa mga karanasan, bagay, at anumang na interesado o nakakatukso sa ating mga mata. Sa kalaunan, maganda ang mga bagay na ito kung susubukan nating gawin, ngunit mayroon itong masamang epekto para sa atin. Masasabi rin natin na ang ilaw ay ang apoy ng ating mga isipan. Sa tulang ito, nakita natin na ito ang nagbigay interest at natukso ang batang paruparo rito. Nasaktan ang batang paruparo sapagkat hindi siya nakinig sa payo ng matanda.